

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

05 Octobre 2018
(25 Muharram 1440 AH)

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : « *Dua dans L'Islam* » (2^{ème} Partie).

Alhamdulillah, Allah fine donne moi le *Tawfeeq* aujourd'hui pour mo contigne le sujet de mo Khutba lors *Dua*, kot le premier partie mo ti fer Vendredi le 07 Septembre 2018.

Le *dua* li ene moyen par lequel nous faire appel à Allah (swt) pour ki Li exauce et satisfaire nous bane besoins au sens le plus large du terme. C'est donc ene facteur susceptible pou même influence nous sort et modifier nous destinée. En vérité, Allah (swt) Li tous les temps « *plus proche de l'homme ki so la veine licou (jugulaire)* » couma Li expliquer dans ene verset Quran (Qaf 50 : 17).

L'homme li toujours distrait et li capave facilement vine ene proie facile pou *Shaytane* (Satan), et alors kan li prend le chemin du mal ki complètement opposé à celui d'Allah, l'homme perdi alors l'avantage de sa proximité avec so Créateur là.

Mais pour ki li capave surpasse sa manquement là (sa distraction là kot sa capave fer li tombe dans le péché et éloigner avec Allah), le *Shariah* Islamique fine prend ene soin particulier concernant le *dua* et alors *Shariah* fine alors établir pour bane différents moments et circonstances de la vie d'ene croyant bane *duas* spéciale, spécifique ki li bizin faire, afin ki li reste plus souvent en contact avec so pleine conscience avec Allah (swt). Par exemple, ena ene *dua* avant alle dormi et ene lotte *dua* kan lever le lendemain matin. Ena ene *dua* avant commence manger et ene lotte kan fini manger. Ena ene lotte *dua* kan sorti toilettes. Et ene *dua* avant sorti la caze. Et ena tant d'autres encore. En somme, ena ene *dua* pour sak l'étape et situation de la vie de l'homme. Mais ki meilleur *dua* ki prononce **BISMILLAH** à tout moment, au commencement de n'importe ki activité !

Tout en encourageant le croyant pou invoque Li par crainte révérencielle ou par respect ou pour so bane besoins personnel, Allah (swt) demande li pou invoque Li aussi par ene l'esprit religieux et d'ene façon désintéressée (c.-à-d., sans l'égoïsme kot li pas guette li-même, so bane goûts personnels, et même si li pas ena aucaine goût dans so bane *dua* (et *Namaz*) et pas ressenti le plaisir et la douceur de l'invocation à Allah, mais li contigner faire li en espérant ki so bane z'efforts pou porte so bane fruits et ki li pou capave enfin ressentir le plaisir et la douceur de la prière/ l'invocation). Allah pointe du doigt (c.-à-d., Li condamne) bane ki zis prier Li, implore Li kan zot trouve zot dans difficulté, mais ki zot oublier Allah vite aussitôt ki Allah vine aide zot et retire tous zot bane difficultés.

« Et kan ene malheur touche l'homme, li faire appel à So Maître en tournant vers Li. Ensuite kan Li accorde li de So part ene bienfait, li (dimoune là) oublier la raison pour laquelle li fine faire appelle (à Allah), et li mette bane associés avec Allah, kot li égare (bane dimounes et li-même) du vrai chemin. » (Az-Zumar 39 : 9).

Le *Sunnah* du prophète (saws) et bane Hadiths fine toujours interpelle bane musulmans pou invoque Allah (swt) non seulement pour zot-mêmes, mais également en faveur de zot bane frères et sœurs en religion, afin ki sa bane là aussi obtenir bane grâces et bane faveurs divines, non seulement pour zot-mêmes, mais aussi pour zot bane zenfants, zot parents, zot bane relations de sang et d'alliance (à travers mariage), zot prochain, la communauté musulmane et la communauté de l'homme dans so l'ensemble. En faisant sa, l'Islam cherche à faire

naître dans sak musulman ene sentiment fraternel intime ki conduire li pou ressentir devant Allah (swt) et intimement bane besoins de so bane frères et sœurs avant ki li pense à so bane propres besoins. Sa façon de prier dans bane *duas* là pour bane les autres dimounes – capave permette au croyant pou surpasse so l'égo et pou atteindre à ene l'état absolue kot li pas manifester so l'égo dans aucune façon, et kot sa aide li pou occupe li de bane les autres plisse ki li occupe li de li-même.

L'exemple le plus touchant ti celui de ti fille du Messenger d'Allah (saws), Hazrat Fatima Al-Zahra kot ene jour so garçon, Imam Hassan Ibn Ali fine témoigner à propos de so maman. Imam Hassan fine dire : « *Li ti pé passe la nuit pou adore Allah et pou prier pour bane croyants et bane croyantes, et à peine li ti pé demande kitchose pou li-même. Kan mo fine demande li : 'Ki faire ou pas prier pour ou-même ?' Li fine réponde moi : 'Nous prochain passe avant nous-mêmes, car sa faire plaisir Allah.'* »

Ki faire Allah (swt) demande à ene croyant pour prier pour so bane frères et sœurs, pour bane morts etc. alors ki Allah même ena tout capacité pou vine en aide à sa bane dimounes là, sans l'intervention de la prière d'ene lotte de So serviteur ?

Sans doute, l'Islam vise pou développe dans le croyant le sens de bane valeurs, ene sens de bane valeurs ki plus fort et plus profond, surtout kan sa sens de valeurs là li nait de l'intérieur de li-même au lieu ki li gagne sa à travers bane discours, parski alors sa pou difficile pou li pou assimiler, parski sa vine de l'extérieur et non pas de l'intérieur de li-même.

Certes, l'homme bizin absolument faire zeffort nécessaire pour vivre, pour travaille, pour bâtir ene famille, pour grandi so bane zenfants ; en bref, li bizin faire tout bane zefforts nécessaire pour faire fonctionne so la vie lors sa la terre là. L'homme faudé pas alors mette li-même dans ene l'état à rien faire, kot li pas faire nannié de concret et li nek attane l'aide d'Allah, en comptant lors Allah (swt) pour résoudre so bane problèmes à travers bane *duas* uniquement, sans ki li faire aussi bane zeffort nécessaire dans la vie ici-bas. Tous les deux marcher ensam : *Dua* et zeffort.

L'homme bizin conscient de so dépendance lors Allah (swt) et li bizin reconnaitre so impuissance devant la puissance absolue d'Allah. C'est la raison alors ki l'homme tout en travaillant dur lors sa la terre là, li implore so Créateur pour ki Li (Allah) satisfaire so bane besoins ki pli urgents et nécessaires et aussi so bane besoins dans ene future plus lointain, so bane désires ki li ena, ki li de côté matérielles et aussi de côté la religion, et surtout pou ki li gagne so salut lors sa la terre là même, mais encore beaucoup plus dans l'au-delà.

Ki ene croyant demander alors dans so bane *duas* ? Tout saki li penser ki pou capave aide li pou vive tranquillement et dans la piété : so bane moyens de subsistance (pour li gagne so manger et boire), ene bon la santé, la prospérité, la bonne conduite, et ainsi de suite. Et le croyant li ferme dans so croyance ki Allah (swt) pou entendre so bane appels, so bane requêtes et pou vine à so secours dans moment ki bizin.

Ene dimoune pou fer bien erreur ki li arriver penser ki si li reste sans rien faire dans so la vie, li pou gagne l'aide d'Allah (swt) dans tous so bane moyens matériels et divines. Non ! Zamais ene miracle li divine et non humain. Faudé l'homme fer so zeffort, et ensuite Allah montrer So miracle. En vérité, Allah (swt) fine mette ene cause à l'origine de tout kitchoses : La vie, la mort, naissance, la santé, maladie, la richesse, la pauvreté, la victoire, la défaite. Allah (swt) appelle toujours l'homme pou lutter pour la réalisation de bane bons kitchoses tout en évitant bane saki mauvais, mais Allah (swt) promette So protection à bane ki matin et soir demande Li à travers bane *duas*.

Dua aide l'homme pou soulage li de so bane problèmes, pou sorti de bane situations difficiles. Réfléchi à sa moment bien tranquille et sacré kot nous en plein communication avec Allah (swt) dans nous bane *duas*. Grand ou petit, millionnaire ou ene simple dimoune pauvre, employeur ou employé ou chômeur, celui ki en bonne santé ou ki malade, marier ou pas marier, bane ki ena zenfants ou bane ki pas ena zenfant, zot tous ensam bizin deboute dans bane rangs, zépaule contre zépaule, dans sak *Salât* (prière) en congrégation et dans prosternation (*Sajda*) kot zot faire bane *duas* pour toute l'humanité. Couma zoli li zoli sa ! Kot ene croyant, ki li missié ou madame, li trouve li tousel devant so Créateur, avec ene l'âme de zenfant, ene l'âme innocent, pure, simple, spontané, kot li pleurer, implore Allah, plaindre devant Li tousel, li sollicite So l'aide et Li

insister et persister pour contigner faire *dua*. Sa croyant là faire le tout pour le tout pour montrer l'étendue de sa faiblesse (devant Allah), une faiblesse qu'il accepte parski il connaît c'est la décision divine, car c'est Allah même qui a créé la race humaine remplie de faiblesses. Bane difficultés de la vie ici-bas pas pour finir jamais ; de ce fait, bane *duas* aide tant bien que mal à soulager sa bane dimounes là.

Pour conclure, le *dua* est un facteur de renouvellement de la force de vie pour l'homme. *Dua* évite dimounes, qu'il soit le monsieur ou la madame qui tombe dans l'angoisse, pour qu'il ne soit pas étouffé sous le fardeau de ses bane problèmes et la pression de son orgueil et pour qu'il ne soit pas devenu une dimoune déprimée et complexe. La foi en Allah (swt) à travers le *dua* nous aide, nous transforme nous en une croyant sincère.

Alors, bane croyants et croyantes, invoque Allah, supplie-Le avec l'amour et l'espoir, pour tous tes bane besoins licites, matériels (ici-bas) et spirituels (*Aakhérat*). *Insha-Allah*, Allah pour nous venir à l'aide, pour entendre tes bane supplications et pour exaucer tes bane *duas* ! *Ameen*.